

JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 101-7.303 /16 HH
Zenica, 13.05.2016. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-7.301-1/16 HH od 13.05.2016.godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj:716-7.303/16 HH od 13.05.2016. godine u postupku dodjele ugovora za nabavku štampanih obrazaca na papiru, i prihvata se preporuka Komisije za nabavke, da se okvirni sporazum zaključi sa ponuđačem:

PLANJAX KOMERC d.o.o. Tešanj,

kao najbolje ocjenjenom ponuđaču

Prema ponudi broj: 716-6.569/16 od 19.04.2016. godine, za ponuđenu cijenu sa bez uračunatog PDV-a u iznosu od 5.421,60 KM.

II

Prijedlog okvirnog sporazuma dostavit će se na potpis izabranom ponuđaču PLANJAX KOMERC d.o.o. Tešanj, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude .

III

Za izvršenje ove Odluke zadužuje se Komisija za nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-5.962/16 HK od 08.04.2016. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 10.000,00 KM.

Dana 08.04.2016. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-135-3-21/16, objavljena je i tenderska dokumentacija.

Poziv za preuzimanje tenderske dokumentacije broj: 713-5.962-2/16 HK od 08.04.2016. godine upućen je sljedećim ponuđačima:

1. Plan Plus d.o.o. Zenica,
2. MELIGRAFPRINT d.o.o. Zenica,
3. Svjetlost BH print d.o.o. Sarajevo.

Na osnovu Izvještaja o preuzimanju tenderske dokumentacije od strane ponuđača od 21.04.2016. godine u 11:38 sati, utvrđeno je da su sljedeći ponuđači preuzeli tendersku dokumentaciju:

- | | |
|--------------------------------------|---|
| 1. Infostrim d.o.o., | 8. Javna ustanova Službeni Glasnik
Republike Srpske, |
| 2. GRAFIČAR | 9. Svjetlost BH print d.o.o.Sarajevo, |
| 3. BBS Europe, | 10- liber graf d.o.o., |
| 4. „Comesgrafika“ d.o.o. Banja Luka, | 11. PLAN PLUS d.o.o., |
| 5. PLANJAX KOMERC , | 12. OFF-SET |
| 6. ATLANTIK BB , | 13. OFFICE PLUS BH d.o.o. |
| 7. „MELIGRAFPRINT“ d.o.o. Zenica | |

Komisija za nabavku imenovana je Odlukom broj: 101-197/16 MS od 11.01.2016. godine.

Komisija za nabavku je dana 13.05.2016. godine direktoru preduzeća dostavila Zapisnik o ocjeni ponuda broj: 716-7.302/16 HH od 13.05.2016. godine i Preporuku o izboru najpovoljnijeg ponuđača broj: 716-7.302-1/16 HH od 13.05.2016. godine, u postupku javne nabavke za nabavku štampanih obrazaca na papiru.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 13 (trinaest).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

1. U skladu sa članom 66. Zakona o javnim nabavkama („Službeni glasnik BiH“ broj: 39/14) i člana 17. Uputstva za pripremu modela tenderske dokumentacije i ponuda („Službeni glasnik BiH“ broj: 90/14), Komisija za nabavku je dopisom broj: 716-6.569-1/16 HH od 09.05.2016. godine, zatražila pojašnjenje ponude od ponuđača PLANJAX KOMERC d.o.o. Tešanj za neprirodno nisku cijenu ponude u odnosu na drugorangiranog ponuđača Svjetlost BH-print d.o.o. Sarajevo za nabavku štampanih odrazaca na papiru, iz razloga što je vrijednost njegove ponude za više od 20 % niža od vrijednosti ponude drugorangiranog ponuđača .

Ponuđač PLANJAX KOMERC d.o.o. Tešanj je dana 11.05.2016. godine dostavio obrazloženje za cijenu svoje ponude na protokol broj: 716- 7.746/16 u kojem je naveo da su u pravljenju kalkulacije za štampanje obrazaca koristili najpovoljnija tehnička rješenja prilikom štampanja i da su na osnovu toga ponudili cijenu. Ugovorni organ je prihvatio dostavljeno obrazloženje, te ocijenio da ponuda ponuđača PLANJAX KOMERC d.o.o. Tešanj, može biti predmet ocjene shodno utvrđenom kriteriju.

Također, Komisija za nabavke je dopisom broj: 716- 6.871/16 HH od 25.04.2016. godine od ponuđa PLANJAX KOMERC d.o.o. Tešanj zatražila pojašnjenje ponude u smislu da ponuđač potvrdi da ponuđena roba za nabavku štampanih obrazaca na papiru će zadovoljiti tehničke karakteristike koje su tražene u tenderskoj dokumentaciji i to: format A 4, papir 80gr/m2, štampa 1/1 modro plava boja i performacija mašinska, horizontalna i vertikalna po specifikaciji (uplatnica)(DA/NE).

Dopisom broj: 716-7.298/16 od 04.05.2016. godine ponuđač PLANJAX KOMERC d.o.o. Tešanj je potvrdio da će isporučiti tražene obrasce sa tehničkim karakteristikama kao što su zahtjevani u tenderskoj dokumentaciji.

2. Ponuđač ATLANTIK BB d.o.o. Banja Luka nije dostavio ponudu na originalnom obrascu A1- Obrazac za cijenu ponude preuzetog sa portala javnih nabavki, nego je svoju ponudu dostavio na prilagođenom obrascu A1- Obrazac za cijenu ponude kojem je pridodat memorandum ponuđača. Takođe isti ponuđač je dostavio Izjavu da prihvata opšte uslove iz tačke 1. tenderske dokumentacije, ali izjava ne sadrži tačku 1.5 u kojoj je predviđeno zaključivanje okvirnog sporazuma sa jednim ponuđačem u trajanju 12 mjeseci. Iz predhodno navedenih razloga ponuda ponuđača Atlantik BB d.o.o. Banja Luka je ocijenjena kao formalno pravno neispravna, te se ista odbija na osnovu člana 68. stav 4, tačka (i), Zakona o javnim nabavkama.

3. Ponuđač PLAN PLUS d.o.o. Zenica nije dostavio popis dokumentacije priložen uz ponudu (Sadržaj ponude). Također, u Aneksu 1 - Obrazac za cijenu ponude, u stavci 1. je ispravljana jedinična cijena i ukupna

cijena, ali ova izmjena nije pored ispravljenih stavki parafirana. Zbog predhodno navedenog, ponuda ponuđača se odbija, kao formalno pravno neispravna, na osnovu člana 68. stav 4, tačke (i), Zakona o javnim nabavkama.

4. Ponuđač MELIGRAFPRINT d.o.o. Zenica je dostavio formalno – pravno neispravnu ponudu jer nema ispisano obavezno polje u Aneksu 1 – Obrazac za cijenu ponude, nije napisana ukupna vrijednost ponude slovima bez PDV-a, tj. sadrži nedostatak iz člana 68. stav 4, tačka (i), Zakona o javnim nabavkama. Iz navedenih razloga ponuda ponuđača se odbija.

Ponuđači PLANJAX KOMERC d.o.o. Tešanj i Svjetlost -BH print d.o.o. Sarajevo su dostavili formalno-pravno i tehnički zadovoljavajuće ponude, te su iste prihvatljive za ugovorni organ i mogu biti predmet ocjene shodno utvrđenom kriteriju.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

Uvidom u priloženu dokumentaciju, konkurentskog zahtjeva za dostavu ponuda broj: 713-5.962-1/16 HK – za nabavku štampanih obrazaca na papiru, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razloga da izrazi sumnju da je ponuđena cijena ponuđača PLANJAX KOMERC d.o.o Tešanj neprirodno niska.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „**najniža cijena**“, Komisija izvršila ocjenu prihvatljive ponude / ponuđača kako slijedi:

1. PLANJAX KOMERC d.o.o. Tešanj

sa ukupnom cijenom ponude od 5.421,60 KM bez uračunatog PDV-a,

2. SVJETLOST –BH PRINT d.o.o. Sarajevo,

sa ukupnom cijenom ponude od 8.367,36 KM bez uračunatog PDV-a.

te dala preporuku da se okvirni sporazum zaključi sa najuspješnijim ponuđačem PLANJAX KOMERC d.o.o. Tešanj na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

Kahriman Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon.i prav.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a